



AMEZKETAKO UDALA

AMEZKETAKO UDALAK SAN MARTIN PARKEAN JARRIKO DUEN ETXOLA USTIATZEKO ADMINISTRAZIO-KLAUSULA AGIRIA – 2021 URTEA

I.- KONTRATUAREN EDUKIA

1. IZAERA

Sektore Publikoko Kontratuetak, azaroaren 8ko/2017 Legeko 9 artikulua eta, Administrazio Publikoen Ondareko, azaroaren 3ko 33/2003 Legeko 110 artikulua eta aplikagarri gertatzen diren gainerako artikuluen arabera, honako kontratua zuzenduko da, bere prestaketari eta esleipenari dagokionez, aipatu 33/2003 Legeagatik, eta bere garapeneko xedapenengatik eta, arau hauetan aurreikusten ez diren egoeretan, Administrazio Publikoen kontratu legeriaren bidez. Kontratuaren efektuak eta iraungipena 33/2003 lege bidez eta zuzenbide pribatuko arauen bidez zuzenduko dira.

Operazioaren berezitasunagatik, espedientea tramitatzen da kontratua zuzenean esleitzeko, plegu honetan zehazten den moduan, aurrez deitutako lehiaketa garatuta.

2. KONTRATUAREN HELBURUA

Kontratuaren helburua da herritarren erabilerarako den San Martin parkean Udalak taberna gisa jarriko den etxola erabili eta ustiatzea baimenduko du.

Esleipen epearen bitartean, etxola ondoko komuna eta ingurua garbitzeko obligazioa bereganatuko dute esleipendunek.

3. KONTRATAZIO ORGANOA

Kontratatze organo eskuduna Alkatea da. Kontratazio organo horrek du administrazio-kontratua esleitzeko ahalmena, eta, horrenbestez, bere eskumenekoak izango dira honakoak ere: kontratua interpretatzea; kontratuan sor daitezkeen zalantzak argitzea; kontratua aldatzea; eta kontratua amaitzea. Horiek guztiak araudi aplikagarriarekin bat etorri. Horiei buruz hartutako akordioak betearaztekoak izango dira, nahiz eta kontratistak eskubidea izango duen akordio horiek jurisdikzio eskudunaren aurrean inpugnatzeko.

4. KONTRATATZEKO GAITASUNA ETA KAUDIMENA

Zuzenbidezko eta jarduteko gaitasuna daukaten pertsona fisikoak hartu ahal izango dute parte jardunbide honetan, baldin eta beren kaudimen ekonomiko, profesionala finantzario frogatzen eta tekniko badituzte, edo eta administrazioarekin kontratatze debekuren bat ez badute.



AMEZKETAKO UDALA

Operazioaren berezitasunagatik, esleipena egiteko garaian, lehenetsua emango zaie gutxienez azken urte osoan zehar Amezketan errolatuta dauden eta ostalaritzan esperientzia duten lehiatzaileei.

5. KONTRATUAREN IRAUPENA

Kontratuak 2021eko ekainaren 18tik 2021eko urriaren 31 bitarteko iraupena izango du.

Ezin izango da luzatu.

6. LIZITAZIOAREN PREZIOA

2021 urteko zerbitzu-denboraldiari dagokion lizitazio prezioa 200 eurokoa izango da.

Prezioaren % 50 esleipena jakinarazi eta gehienez 45 egun balioduneko epean ordainduko da eta azken kopuru hori 2021eko urriaren 15a baino lehen ordainduko da.

II.- KONTRATATZEKO PROZEDURA

7. ESLEITZEKO PROZEDURA

Lehiaketa fasea burututa kontratu honen zuzeneko esleipena egingo da, ostalaritzan izandako eskarmentuaren araberrako puntuaketaren bitartez.

Lehiaketa fasea eskabideak aztertu, onartu eta klasifikatzean datza.

8. PROPOSAMENAK AURKEZTEA

Eskaintzak Udalaren sarrera erregistro orokorrean eskuz aurkeztuko dira, bulego ordutegian (8:00etatik 15:00etara) 2021eko maiatzaren 31tik ekainaren 4 bitartean, biak barne.

Kontratazio honen agiriak eta dokumentu osagarriak ere web-orrian ikus daitezke: www.amezketa.eus.

Eskaintzak Euskal Autonomia Erkidegoko bi hizkuntza ofizialetako batean idatzita aurkeztu beharko dira.

Lizitatzailerak proposamen bakarra aurkeztu ahal izango du.

Bakarrik aurkeztu bada, ezingo du beste batzuekin aldi baterako enpresa-elkartea eratuta beste eskaintzarik aurkeztu, ezta aldi baterako enpresa-elkarte batean baino gehiagotan agertu ere.

Lizitatzailerak gutunazal bat aurkeztu beharko dituzte itxita. Gutunazalean honako hau idatziko da: "SAN MARTIN PARKEKO ETXOLAREN KONTRATUA".

Gutunazal bakoitzean proposamena izenpetzen duenaren izen-abizenak jarriko dira eta izenpetuta egongo da. Hona hemen gutunazalean aurkeztu beharreko agiriak:



AMEZKETAKO UDALA

- a) Lizitzailearen nortasun-agiri nazionala.
- b) Oinarri hauen I. Eranskina ondo beteta.
- c) Agiri honetako 14. klausulako hizkuntza baldintzak betetzen direla ziurtatzeko agiriak edo euskararen maila egiaztatzeko elkarrizketa egin nahi duela jasotzen duen adierazpena.
- d) Ostalaritzan lizitzaileak duen eskarmentua. Eskarmentu hau honela baloratuko da: ostalaritzan lan egindako hilabete bakoitzeko 0,05 puntu baloratuko da, gehieneko puntu mugarik gabe.

9. AGIRIAK SAILKATZEA, LEHIATZAILEAK HAUTATZEA ETA ESKAINTZAK IREKITZEA

Kontratazio-mahaia honela osatu edo eratuko da:

Mahaiburua: Udalbatzakoa edo bere ordezkari izendatzen duena.

Mahaikideak: Idazkaria eta Administrazio Orokorreko administraria, mahaiaren idazkari lanak beteko dituena.

Proposamenak aurkezteko epea amaitu ondoren, Kontratazio Mahaia bilduko da eta epe eta modu egokian jasotako dokumentazioa sailkatuko du.

Aurkeztutako dokumentazioa sailkatu ondoren, Mahaiak zerrenda osatuko du, lizitazioan onartuak izan direnekin, baztertuak eta bazterketaren arrazoiak.

Baztertze nahiko arrazoibidea izango da eskatutako agiri guztiak ez aurkeztea edo gutunazalاک behar bezala ez aurkeztea edo sinatu gabe agiriak aurkeztea.

Lehiaketa fasea bukatuta, kontratuaren esleipen zuzena egingo da,

Aurkeztutako eskaintzak etorri nahi duten lehiatzaileen aurrean irekiko dira 2021eko ekainaren 7an eguerdiko 12:00etan, eta ondoren esleipena erabakiko da.

10. KONTRATUA ESLEITZEA

Adierazitako lehentasun arauen arabera, kontratuan esleipena, eskaintzak ireki eta hurrengo egunetik kontaktzen hasita 6 egun naturaleko epean egingo da.

Epe horren barne egingo da, norbaitek eskatu izan badu, euskeraren ezagutzari buruzko elkarrizketa.

Udalak, esleipena egin baino lehen, kontratua ez egitea erabaki dezake, herri-onurako arrazoiak direla-eta; edota izapidetutako prozeduran atzera egin dezake, prozedurak akats konponezinak baditu.

Kontratuaren esleipenak beti arrazoitua izan behar du, eta izangai edo lizitzaileei jakinaraziko zaie. Aldi berean, kontratazio-organoaren kontratatzailearen profilean ere argitaratuko da.



AMEZKETAKO UDALA

Kontratazio-organoak irabazlea gertatzen den lizitatuileari eskatuko dio ondorengo zirkunstantziei buruzko frogagiriak aurkez ditzala, errekerimendua jaso eta hurrengo egunetik zenbatzen hasi eta zazpi egun balioduneko epean:

*Erantzukizun zibileko aseguru-polizaren kopia edo ziurtagiria ekarri, ezbehar bakoitzeko 30.000 eurokoa.

Kontratua ez bada esleitzen adierazitako epean irabazleak errekerimendua behar bezala bete ez duelako, beste deialdi bat egin aurretik Administrazioak aukera izango du, lehenengo irabazlearen atzetik datorren lizitatuilearen edo lizitatuileen alde, horien eskaintzak sailkatuta gelditu diren hurrenkeraren arabera, baldin hori egiterik badago.

Aurkeztutako eskaintzak, bai onartutakoak bai ireki gabe baztertutakoak edo ireki ondoren atzera botatutakoak, bere espedientean artxibatuko dira. Kontratua esleitu ondoren errekurtsioak jartzeko epea irekiko da. Epe horretan errekurtsorik jarri ez bada, proposamenarekin batera aurkeztutako dokumentazioa interesdunen eskura utziko da.

Dokumentazio hori interesdunen eskura jartzen denetik hilabeteko epean (1 hilabete) inork jasotzen ez badu, administrazioak pertsona edo enpresa lizitatuileek aurkeztutako dokumentazioa suntsitzea erabaki dezake.

11. KONTRATUA FORMALIZATZEA

Kontratua lizitazioaren baldintzetara zehatz-mehatz egokitzen den agiri administratiboan formalizatuko da, horretarako Udalaren aurrean aurkeztuz. Kontratua sinatzen denean geratuko da perfektionatuta.

III.- KONTRATUA BETETZEA

12. KONTRATUA BETETZEA

Kontratua esleipendunaren gain eta kontura beteko da.

Kontratua agiri honetan jasotako klausulekin eta, behar denean, espedienteari erantsitako zehaztapen teknikoekin bat etorri beteko da, eta Administrazioaren zuzendaritza, ikuskapen eta kontrolpean. Administrazioak idatziz nahiz ahoz erabili ahal izango ditu ahalmen horiek.

Kontratistari edo bere mendeko pertsoneri lepora dakizkiekeen ekintzengatik edo ez-egiteengatik kontratuaren martxa ona arriskuan jartzen denean, Administrazioak kontratuaren martxa ona lortzeko edo berreskuratzeke beharrezkotzat jotzen dituen neurriak hartzea agin dezake.

13. KONTRATISTAREN BETEBEHARRAK

Hauek izango dira esleipendunaren betebeharrak:



AMEZKETAKO UDALA

Etxola jendearentzat irekita eta zerbitzua emateko moduan eduki beharko du:

- Derrigorrezko epea: 2021eko ekainak 18etik 2021eko irailak 26 arte.
- Borondatezko epea: 2021eko irailak 27tik 2021eko urriak 31 arte.

Esleipendunak berak zuzenean bete beharko ditu kontratuan finkatutako zereginak.

Horretarako, beharrezkoa dela iruditzen bazaio, lanerako laguntzaileak eduki ditzake.

Laguntzaile horiek ez dute inolako lotura edo lan harremanik izango Udalarekin, esleipendunen ez beste inoren kontura lan egingo dute.

Etxolaren kontratazioa esleipendunaren kontura izango da eta Udalak kontratazio horretarako bitartekari lanak egingo ditu.

Esleipendunek, edo hala izanez gero, etxolan diharduten pertsonen zerbitzua gutxienez euskaraz eta gaztelaniaz eman beharko dute.

Jendearentzako zerbitzu ordutegia: 11:00etatik 22:00etara bitartean. 23:00etarako dena jasota egon behar du.

Aipatutako jarduera egiteko indarrean dagoen araudian baimendutako EDARIAK ETA JANARI ONTZIRATUAK SOILIK salduko dira instalazioan, eta ez bestelako produkturik.

Guztiz debekatuta dago janariak manipulatzeko, eta aplikatzeko den osasun eta higiearen araudi espezifikoak bete beharko du.

Esleipendunek 18 urtetik beherakoei edari alkoholdunak saldu eta hornitzeko debekua bete beharko dute. Debeku hau gogoratuz kartela eskegiko du etxolan.

Udalak adierazitako lekuan jarriko da etxola.

COVID-19 osasun neurriak bete beharko dira zerbitzua emateko garaian.

Etxola barruan beharrezko diren instalazioak Udalak bideratuko ditu.

Esleipendunak zerbitzuarekin zerikusia duten eraikin eta instalazioak ondo funtzionatzeko moduan, txukun eta garbi eduki beharko ditu.

Aldi berean, San Martineko komuna, etxola ingurua eta parke eremua egunero txukun-txukun garbituta laga beharko da, esleipenaren jardueratik sortutako hondakinak bilduz.

Esleipendunak, gainera, Udalak horretaz emandako jarraibideen arabera jokatu beharko du eta erabaki horien aurka ezin izango dute erreklamaziorik egin ez eta kalte-ordainik eskatu ere.



AMEZKETAKO UDALA

Era berean esleipendunari dagozkio kontratuaren xede diren instalazioen segurtasuna eta zaintza; hauek irekitzeaz, ixteaz eta txukun edukitzeaz ere arduratuko da.

Argindarra Udalaren kontura izango da.

Plastikozko zabor-ontziak jarriko dira etxolan, komunetan nahiz parkearen eremuan sortutako hondakinak gaika biltzeko, argi eta garbi bereizitakoak. Lanaldia bukatu ondoren esleipendunak sailkatutako hondakinak jaso eta 23:00ak baino lehen inguruan dauden edukiontzietan bota beharko dituzte, bakoitza dagokion edukiontzian.

Etxolan garbitzeko erabiliko dituzten produktuek ingurumena errespetatu beharko dute (ekologikoak eta biodegradagarriak).

Esleipenduna izango da emandako baimenaren ondorioz pertsoneri eta abarrei eragindako edozein kalteren erantzule.

Udalak ez du bere gain hartuko hornitzaileei ez ordaintzearen, instalazioetan gerta daitezkeen narriadura edo lapurreten edo esleipendunek hirugarrenei eragin diezazkieketen kalte edo galeren gaineko erantzukizunik. Horretarako esleipendunak erantzukizun zibileko aseguru-poliza izenpetu beharko du: ezbehar bakoitzeko gutxienez 30.000 euroko estalduraz.

Udalaren baimenik gabe ezingo zaio inola ere kontratua beste bati laga, ez eta osorik edo zati bat azpikontratatu ere.

Hiri-altzarrietan ezingo da saltzeko produktuei buruzko iragarki, kartel edo itsasgarririk jarri, bai ordea prezioen zerranda eta adin txikikoei alkohola saltzeari buruzko debekuarena, zeinak elebiduna izan beharko duen.

Esleipendunek ezingo dute erabili orohar jendea gogaituko duen zaratarik sortzeko moduko bozgorailu, irrati edo antzeko tresnarik, baldin eta udalak beren beregi horiek ez baditu onartzen. Gaueko 22:00etatik aurrera ezingo da musikarik jarri edo ekitaldi zein emanaldirik burutu, ekitaldi zein emanaldi hauek, egin aurretik behar adinako denboraz udalari jakinaraziko zaizkio, eta udalak hauek egitea debekatu ahal izango du, horretarako arrazoirik balego.

Esleipendunek une oro baimendu eta aintzat hartu beharko dituzte, etxolaren funtzionamendua klausula-agiri honetan eta ondorengo legezko xedapenetan aurreikusitakoarekin bat datorrela egiaztatzeko, Udalak zerbitzuaren kudeaketaren inguruan egin ditzakeen ikuskapen tekniko, ekonomiko edo ingurumenekoak.

Kontratua bukatu eta hurrengo 5 eguneko epean, esleipendunak beharturik egongo dira instalazioarekin okupatutako jabari publikoko ondasunetik alde egin eta libre uztera.



AMEZKETAKO UDALA

Esleipendunak emakidaren amaieran euskaraz idatzitako memoria ekonomikoa aurkeztu beharra izango du.

COVID-19 dela eta, unean uneko pandemia egoeraren arabera, neurriak eta kontratu honen zehaztasunak moldatu ahalko dira, osasun agintarien aginduei jarraituz.

14. HIZKUNTZA BALDINTZAK

Kontratu honek nahitaez bete behar du hizkuntza-ofizialtasun bikoitzaren araubidea (Euskal Autonomia Erkidegoko Autonomia Estatutuaren 6.artikuluaren ezarria eta Euskararen Erabilera arautzen duen azaroaren 24ko 10/1982 Oinarrizko Legean eta hori garatzen duten araudietan arautua).

1) Kontratuaren zerbitzu hizkuntza:

Kontratu honen xede diren prestazioaren berezko ezaugarriak direla-eta, kontratuaren zerbitzu-hizkuntza euskara izango da nagusiki. Zerbitzua emango duen langileak lehen hitza euskaraz egingo die bezeroei, eta hortik aurrera bezeroak aukeratutako hizkuntzan jarraituko dute. Prezioen zerrenda bi hizkuntzetan egongo da, eta komunitan sartzeko txartela ere bi hizkuntzetan egongo da, euskarari lehentasuna emanda.

2) Hizkuntza gaitasuna:

a) Zerbitzua emango duten langileek administrazioko 2. hizkuntza-eskakizuna edo baliokidea izango dute.

b) Euskara gaitasuna titulu bitartez egiaztatu beharko da (administrazioko 2. hizkuntza-eskakizunaren, Hizkuntza Eskola Ofizialeko 4.mailaren eta Hezkuntzako 1. hizkuntza-eskakizunaren ziurtagiriak) edo, bestela, Udalak egindako elkarrizketaren bitartez.

3) Udalarekiko harremanak:

Normalean administrazio kontratatzailearekin euskara erabiliko da kontratuak eragiten dituen harremanetan:

a) Ahozko komunikazioetan: euskaraz. Euskaraz ondo dakien inor ez badago, enpresak berehala jarri behar izango ditu administrazioarekin euskaraz jardun ahal izateko baliabideak edo euskaraz behar bezala hitz egiteko gaitasuna duten langileak.

b) Idazkiak euskaraz eta gaztelaniaz egin behar dira, bi alderdiek euskara hautatu ezean.

4) Hizkuntza baldintzak ez betetzea:

Klausula honetan aurreikusitako baldintzek kontratuaren funtsezko obligazio izaera daukate Sektore Publikoko Kontratuen Legearen Testu Bateginaren ondorioetarako, eta, hortaz,



AMEZKETAKO UDALA

betetzen ez badira, kontratua bertan behera uztea ekar dezakete, aipatutako legearen 223. g) artikuluari jarraiki.

15. BAZTERKETARIK EZA.

Erabilerarako lagapena egiten den enparantzan egiten diren jarduera guztietan ez dira jarrera sexista, homofobo eta xenofoborik onartuko eta ekitaldiak iragartzeko egin beharrekoetan hizkuntza eta irudi ez sexistak erabiliko dira.

16. ESLEIPENDUNAREN ERANTZUKIZUNA KONTRATUA BURUTZERAKOAN BESTE BATZUEI KALTEAK ERAGITEN BADIZKIE

Enpresa esleipendunaren ardura da, kontratua betetzeak dakartzan lanen ondorioz, hirugarrengeoi egindako kalteak eta galerak bere gain hartzea. Horren ondorioetarako, 30.000 euroko aseguru-poliza bat izenpetu beharko du.

Estaldura horrek indarrean jarraitu beharko du kontratuak irauten duen denbora osoan zehar.

17. KONTRATUA ALDATZEA

Kontratuan ez dira aldaketarik onartutako, aurreikusi gabeko edo ezinbesteko arrazoibideengatik.

18. KONTRATUA BUKATZEKO ARRAZOIAK

Kontratua klausula-agiri honetan ezarritako epea amaitu ondoren bukatuko da. Hala ere, esleipendunek dagozkion betebeharrak betetzen ez badituzte, Udalak esleipena baliogabetzeko eskubidea izango du baita epemuga baino lehen bertan behera uzteko ahalmena ere, herri-intereseko zirkunstantziak edo halabeharrezko kasuek hala eskatuz gero.

19. KONTRATISTARI EZARRI BEHARREKO ZIGORRAK

Esleipendunak behartuta daude kontratua betetzera, eta horretarako zorrotz jarraituko ditu kontratazio honen oinarri diren Administrazio-klausula zehatzen agiria eta, esleitutako lanak hobeto betetze aldera, Amezketa Udala ematen dituen aginduak.

1.- Arau-haustek: esleipendunak egin ditzakeen arau-haustek arinak, larriak edo oso larriak izan daitezke.

Arau-hauste oso larriak honakoak izango dira:

Zerbitzua gelditu edo ez ematea derrigorrezko epean.

Esleipendunen kontura dauden langileei dagozkien lanaren, Segurtasun eta Higienearen eta Gizarte Segurantzaren arloko betebeharrak ez betetzea.



AMEZKETAKO UDALA

Kontratutako zerbitzua, osorik edo zati bat, edozein modu edo titulupean beste norbaiti laga, alokatu edo eskualdatzea.

Bi arau-hauste larri egitea.

Baimendu gabeko zerbitzuak eman edo jarduerak egitea.

Arau-hauste larriak honakoak izango dira:

Baimendutako ordutegia ez betetzea.

Gastu handirik ez dakarten aldaketa edo hobekuntzei buruz Udalak emandako aginduak ez betetzea.

Klausula-agiri honetan esleipendunentzat zehaztutako betebeharrak ez betetzearen ondorioz sortzen diren guztiak, baldin eta arau-hauste oso larriak ez badira eta baldin eta horien ezaugarriak direla eta arau-hauste arintzat jotzen ez direnak.

Bi arau-hauste arin egitea.

1.3. Arau-hauste arinak izango dira pertsonalaren tratu desegokiarengatik edo zerbitzua ematean izandako akatsengatik sortutako ohiko gorabeherak.

2.- Zigorak:

Arau-hauste oso larriek 600 € eta behin betiko bermearen zenbatekoaren arteko isuna izango dute eta kontratua bukatutzat ere eman ahal izango da.

Baimendutako ordutegia ez betetzeagatik egindako arau-hausteak indarrean dagoen Udal Ordenantzaren arabera zigortuko dira.

Arau-hauste larriek 150 – 600 € arteko isuna izango dute.

Arau-hauste arinek beti ohartarazpena ekarriko dute berekin eta 150 € arteko isuna ere ezarri ahal izango da.

Arau-hauste larri eta oso larrietan ekintza horiek erlazio juridikoan izan ditzaketen ondorioak eskatuko dira.

Arau-hauste larri eta oso larriak behin baino gehiagotan egiteak kontratua bertan behera uztea eta esleipendunak desgaitzea ekarriko du. Baita ere hurrengo urtean esleipenean parte hartzeko eskubidea ez izatea.

Zigorak ezartzeak ez du baztertzeko Udalari kontratua ez betetzeagatik eskubidezkoak dituen kalte-galerak ordaintzea.



AMEZKETAKO UDALA

Klausula-agiri honetan ezarritako ingurumen-baldintzak ez betetzea kontratua bertan behera uzteko arrazoi nahikoa izango da.

Aurrez zerrendatutako isunak jartzeko ondorengo prozedura jarraituko da:

Esleitzen den zerbitzuarekin lotutako edozein salaketa edo kexa jasotzen bada, esleipendunei horren berri emango zaie, hamar (10) eguneko epe luzaezinean idatziz aurkez dezan bere eskubidean egoki iruditzen zaiona.

Epe hori pasa ondoren, Amezketa Udaleko organo eskudunak, dagokion departamentuak txostena egin ondoren, esleipendunen erantzunik egon ala ez, egoki iruditzen zaion ebazpena hartuko du. Berehala ebazpen horren berri esleipendunari emango zaio, ebazpenean adierazitako egunetan bete dezan.

Arau-hauste arinak eta larriak alkate-batzarburuak zehatuko ditu, eta oso larriak, kasuan kasu, Udalbatzak.

20. ADMINISTRAZIOAREN ESKUBIDEAK

Administrazioari honakoak dagozkie: a) kontratua interpretatzea b) kontratuan sor daitezkeen zalantzak argitzea c) herri-onurako arrazoiengatik kontratua aldatzea d) kontratua amaitzea eta amaiera horren ondorioak zehaztea, 33/2003 Legeak ezarritako mugen barruan eta horiek zehaztutako baldintza eta ondorioak betez.

21. INSTALAZIOAK ITZULTZEA

Kontratuaren epea bukatzen denean, etxolaren lagatzaileari itzuliko zaio instalazioa, Udalak eskatu behar izanik gabe.

Orohar, beste azpiegiturak hartutako egoera berdinean itzuli beharko dira.

22. KONTRATUAREN GAINEKO GENERO BALDINTZAK

Kontratu honetan Eusko Legebiltzarraren otsailaren 18ko 4/2005 Legeak, Emakumeen eta Gizonen Berdintasunerako Legeak, eta martxoaren 22ko 3/2007 Lege Organikoak, emakumeen eta gizonen berdintasun eragingarrirako Legeak, ezartzen dituzten printzipioak eta obligazioak bete behar dira.

Dokumentazioan, publizitatean, irudietan edo materialetan ez da hizkuntzaren erabilera sexista egingo, emakumeak diskriminatzen dituzten irudiak edo estereotipo sexistak saihestuko dira, eta berdintasuna, presentzia orekatua, dibertsitatea, erantzunkidetasuna, rol aniztasuna eta genero nortasunak bultzatuko dira balio gisa.

Kontratuaren esleipenduna den erakundearen plantillari emakumeen eta gizonen arteko berdintasun printzipioaren aplikazioa bermatuko zaio, prestakuntza politikei, hautaketari, sailkapen profesionalari,



AMEZKETAKO UDALA

arretari, sustapenari, ordainsariei, egonkortasun eta iraupenari, ordezkartzari, laneko segurtasun eta osasunari, edo lanaldiaren iraupen eta antolaketari dagokienez

III.- IZAERA, ARAUBIDE JURIDIKOA ETA JURISDIKZIO ESKUDUNA

23. IZAERA ETA ARAUBIDE JURIDIKOA

Klausulen agiri honen arabera egin behar den kontratua administrazio pribatu mailakoa izango da, eta kontratuan bertan zehazten ez den guztiari dagokionez, honako hauek bete beharko dira: 33/2003 Legea eta ordezeko izaeraz 9/2017 Legea.

Administrazio-klausula Zehatzen eta espedientearekin batera doan dokumentazio teknikoaren artean kontraesanak izanez gero, agiri honetan zehaztutakoa nagusituko da.

24. JURISDIKZIO ESKUDUNA

Era berean, kontratutik sortzen diren auziak administrazioarekiko auzien jurisdikzioaren menpe egongo dira. Nolanahi ere, bi alderdiek nahi izanez gero, auziak arbitrajearen bitartez konpon daitezke, indarrean dagoen legedian zehaztutakorekin bat etorritz.

Kontratua interpretatuzetik, aldatuzetik, bukatuzetik eta horren ondorioetatik sortzen diren auziak kontratazio-organoak ebatziko ditu. Horretarako hartutako akordioek administrazio-bidea agortu egingo dute eta berehala bete beharrekoak izango dira. Akordio horien aurka administrazioarekiko auzi-errekurtsoa jarri ahal izango da, jurisdikzio hori arautzen duen Legean xedatutakoarekin bat etorritz; dena den, 39/2015 Legeak, Herri Administrazioen Prozedura Erkidearenak, 123 eta hurrengo artikuluetan aurreikusitakoaren arabera, interesdunek aukerako berraztertze errekurtsoa jarri ahal izango dute.



AMEZKETAKO UDALA

I. ERANSKINA

AITORPEN EREDUA

Izena:

Adinez nagusia

NAN:

Helbidea:

Telefonoa:

Emaila:

AMEZKETAKO UDALAK SAN MARTIN PARKEAN BAIMENDUTAKO ETXOLA USTIATZEKO deitutako prozeduraren berri izan dut, eta hona hemen nire

ADIERAZPENA:

1º.- Hitz ematen dut kontratua onartutako klausula-agiriaren arabera burutuko dudala, eta **200 € euro** eskaintzen ditudala San Martinen etxola bat ustiatzeagatik.

2º.- Administrazio-klausula zehatzen eta teknikoen agiria, eta kontratu hau arautu behar duten gainontzeko agiriak ezagutzen ditut. Horiek horrela, nire gain hartu eta ontzat ematen ditut oso-osorik.

3º.- Kontratuak burutzeko indarrean dagoen araudiak eskatutako baldintza eta betebeharrak guztiak betetzen ditut.

4º.- Aitortzen du Herri administrazioarekin kontratatzeke ahalmena duela, jarduteko gaitasun osoa izanik, ez dagoelako aurreikusitako inolako debekutan sartuta; eta ez duela laneko segurtasun eta osasun arloan arau-hauste oso larria egiteagatik zehapen irmorik jaso.

5º.- Euskeraren ezagupeneko honako titularen jabe naiz eta kopia gehitzen dut: _____ / Euskeraren ezagupeneko elkarrizketa egin nahi dut, titulurik ez dudalako.

6.- Ostalaritzan _____ hilabetetan lan egin dudala adierazten dut.

.....-(e)n, 2021ko -ren-(e)an